

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
ZENICA  
Broj: T04 0 KT 0054844 24  
Zenica, 19.08.2024. godine

OPĆINSKI SUD U ZENICI  
-Sudiji za prethodno saslušanje-  
ZENICA

Na osnovu odredbe člana 45. stav 2. tačka i) u vezi sa odredbom člana 241. stav 1. Zakona o krivičnom postupku F BiH, p o d i ž e m

O P T U Ź N I C U

Protiv:

D. M., .osuđivan presudama Općinskog suda u Zenici: zbog krivičnog djela iz člana 239. stav 3. KZ F BiH-tri puta, za koja krivična djela su mu izricane uvjetne osude i kazna zatvora u trajanju od 4 mjeseca,

što je:

dana 05.09.2023. godine, oko 22,40 sati, u gradu Zenica, u ulici Dr. Abdulaziza Aska Borića, prilikom kontrole od strane ovlaštenih službenih osoba PU I Zenica, suprotno odredbama člana 4. stav 1., 2, 3. i 5., a u vezi sa odredbom člana 19. i 20. Zakona o sprečavanju i suzbijanju zloupotrebe opojnih droga („*Službeni glasnik BiH*“ broj 8/06, 103/08 i 51/11), iako je bio svjestan i znao da se radi o opojnoj drogi i da je držanje i prodaja droge zabranjena, što je i htio, radi prodaje neovlašteno držao deset pvc paketića sa sadržajem bijele praškaste materije neto masa kako slijedi: 0,489 grama, 0,575 grama, 0,526 grama, 0,383 grama, 0,490 grama, 0,581 grama, 0,488 grama, 0,534 grama, 0,093 grama, 0,176 grama, sve ukupno 4,335 grama, za koju materiju je vještačenjem utvrđeno da sadrži psihoaktivnu komponentu amfetamin poznatiju kao opojna droga „speed“, a koja droga je pod rednim brojem 1. Liste psihotropnih tvari iz tablice II „Tvari i biljke pod strogim nadzorom“ proglašena takvom, koja opojna droga mu je istog dana oduzeta od strane ovlaštenih službenih osoba PU I Zenica,

dakle, radi prodaje neovlašteno držao opojnu drogu,

čime je počinio krivično djelo Neovlaštena proizvodnja i stavljanje u promet opojnih droga iz člana 238. stav 1. KZ F BiH.